



- Usa bo frishidèr i frizer efisiente ku yena nan bon i laga ménos espasio bashí posibel.

Iluminashon

- Hasi uso mas tantu posibel di lus natural.
- Paga lus mesora ora bo bandoná un espasio.
- Pera di lus pa spar koriente ta mihó ku pera di lus normal, i pera di LED ta ainda mas mihó. Pera pa spar koriente i di LED ta mas karu, pero komo ta usa poko koriente bo ta saka e sèn den un tempu kòrtiku. Peranan di LED ta usa 85 porshento ménos koriente ku un pera komun di mesun intensidat. Ademas e durabilidadat por ta un 50 biaha mas largu.
- Pensa tambe na lus di Pasku!

Èrko i fèn

- Kombiná uso di èrko i fèn pa plama e airu friu optimalmente.
- Skohe pa un èrko 'inverter'. Esaki ta mas karu, pero bo ta saka e sèn di kompra den tempu kòrtiku. Un èrko 'inverter' ta usa ménos koriente i ta alkansá e temperatura deseá kuater biaha mas lihé ku un èrko konvenshonal.

Sobrá aparatonan

- Preferiblemente no strika un pida paña so, pero mas tantu posibel den un biaha. Un heru di strika ta usa mas koriente ora e ta kenta.
- Ta mas fásil pa bari superfisie di flur lizu. E ora ei un basora por ta mihó ku un stöfzüiger ku ta gasta hopi koriente.
- Bo wasmashin ta traha mas efisiente si bo ta limpia e felter regularmente.
- Stof di gas ta mas efisiente i ta gasta ménos koriente ku un stof eléktriko òf plachinan di kerámika òf indukshon.

Tep rònt di kas

- Bo tin lus pafó di kas, preferiblemente usa e ora ei pera di LED. Bo por pone un fotocel na bo peranan parti pafó asina nan ta sende outomátikamente ora solo baha i paga ora solo bolbe sali.
- Bo ta spar mas koriente ku pera di LED ku solamente ta sende ora un hende move den besindario.
- Bo ta bai kumpra un pòmpera pa pisina òf pa e sistema di drep, hasi e ora ei un eskoho konsiente i paga tinu riba su uso di koriente.
- Hèrmènt eléktriko pa den kurá ta hala hopi koriente. Bo ta kla pa kohe un blower, òf tin biaha bo ta usa tambe un harpa?

ISOLASHON

Isolashon no ta protehá solamente kontra friu. E ta hopi efikas tambe pa tene kalor pafó di kas. Ku isolashon bo por spar hopi riba gastu di koriente di èrko i fèn.

- Ora di konstrukshon nobo òf renobashon, pone isolashon pa muraya i dak.
- Evitá ku airu friu di èrko ta sali afó. Asina bo por pone strep di rùber bou di porta pa stroba airu pasa. Kontrolá tambe si kozeinnan ta bon pegá i si ta nesario usa silikona pa hasi esaki.
- Konsiderá pa pone glas dòbel.
- Glas resistente pa kalor tambe, spesialmente pa porta i bentana grandi, ta tene hopi kalor pafó.

NOS TEI PA SIRBIBO!

Water- en Energiebedrijf Bonaire N.V.
 WEB-gebouw, Kaya Gresia z/n
 P.O. Box 381 • Kralendijk, Bonaire CN
 T +599 715 8244 • F +599 717 8756
 Servisio di interupshon (24/7) T 9215
 E info@webbonaire.com • www.webbonaire.com



**WATER- EN
ENERGIEBEDRIJF
BONAIRE**



SPAR

**Asina bo ta usa ménos
awa i koriente!**

*let's do it
together*

SPAR

Algun kos interesante pa sa, fásil pa hasi, de bes en kuando pensa riba nan: sin saka hopi plaka, fásilmente bo spar riba awa i koriente. Den e foyeto aki nos ta duna bo algun tep.



SPAR AWA

Awa for di kranchi ta algu ku hopi biaha nos ta haña di mes. Pesei fásilmente nos uso ta subi yega 125 liter di awa di bebe pa persona pa dia. Esei ta 45625 liter pa aña, òf mas ku 45,6 m3 pa aña.

Bo tabata sa ku baña tur dia ún minüt ménos por hasi un diferencia di kasi 5 m3 di awa pa aña? Bo por spar desena di dòler ku esei. Bo tabata sa ku WC ta konta pa un 30 porshento di nos uso total di awa? Ku un kònòpi di spar pa e halamentu, bo ta usa kasi 23 m3 di awa ménos pa aña.

Anda responsabel ku awa di bebe ta skapa bo sèn, e ta bon tambe pa medio ambiente.

Tep den kas WC

- Stèl flòter di e baki di awa di tal manera ku e baki no ta yena kompletamente.
- Bo no por stèl e flòter? Pone e ora ei dos bòter di un liter yená ku awa den e baki (no na banda di e flòter). E baki ta yena ku ménos awa e ora ei.
- Kumpra un kònòpi di spar pa e halamentu.
- Paga tinu ku bo WC no ta lèk, pasobra esei por kosta bo hopi plaka. Fásilmente un 25 liter pa ora por kore bai; esei ta yega na 219 m3 di awa pa aña.



Higiene

- Usa un taimer di ducha. Hopi biaha nos ta lubidá kon largu nos ta keda bou di ducha. Un taimer di ducha ta hasibo konsiente di esaki.
- No laga awa basha ora bo ta skuma bo kurpa i skeiru djente.
- Kumpra pa bo kranchinan renchi sintétiko ku ta baha velocidat di e awa ku ta pasa den kranchi.
- Kumpra un kabes di ducha ku ta pone bo usa ménos awa.

Laba

- No laga bo wasmashin yena ku awa pa labá chikitu. Hopi wasmashin tin un kònòpi pa baha uso di awa. Si no tin esei, mas tantu posibel warda te ora bo tin hopi paña pa laba i laba nan tur huntú.
- Start bo wasmashin tambe te ora e ta yen ku awa.

Otro

- Remplásá kranchi ku ta lèk; nan ta gasta un promedio di 2000 liter di awa pa aña.
- Kontrolá regularmente bo meter di awa. Asina bo ta haña sa lihé si awa ta lèk un kaminda.

Tep rònt di kas

- Bo ta usa slan pa laba outo? Konsiderá un bia pa usa hèmber: esei por pone bo skapa tres kuart di e awa ku bo ta usa. Fásilmente un slan ta usa 150 liter di awa; esei por tambe ku kuater hèmber di awa di dies liter.
- Si tòg bo ta preferá spùit limpia e outo, usa e ora ei un slan di preshon haltu. Un slan normal ta usa mas o ménos 3.000 liter di awa pa ora, un slan di preshon haltu ta traha mas lihé tambe, ku ta pone bo spar un 15 porshento asina di tempu i pues tambe awa.
- No gasta awa di yobe! Bo por kohe e awa di yobe den tanki bou di tera i usa esaki pa muha mata i eventualmente kaba yena pisina.
- Bo ke pone un pisina? Pensa un ratu riba e grandura. Spesialmente den periodonan di sekura mester kaba

yena esaki regularmente. Evaporashon ta pone e awa sak 1 cm pa dia.

- Bo ta usa un sistema di drep den kurá? Bo ta duna mata awa, sa ku bo ta spar mas usando giter.
- Tapa e tera rònt di mata ku blachi, pida pida palu òf greistenchi. Asina tin ménos evaporashon i e awa ta keda para mas largu.

SPAR KORIENTE

Usando aparatonan eléktriko na un manera sabí, bo por spar hopi riba bo kuenta di koriente. Pensa por ehèmpel riba laba ku un wasmashin yen na lugá di unu mitar yen. Òf e sekadó outomátiko di paña – semper esei ta nesario den nos klima ku solo?

Bo tabata sa ku paga aparatonan na lugá di pone nan riba 'stand-by', ta spar enormemente hopi koriente? Pensa riba televishon, kòmputer, charger, babyfoon òf skeiru di djente eléktriko.

Tambe ta bon pa sa: aparatonan ku mester kenta, manera microwave, rice cooker, heru di strika i dryer, ta usa hopi koriente. Bo tabata sa ku stòfzüiger ta e chupadó di koriente di mas grandi?

Hopi aparato nos no por sin nan mas i no ke ta sin nan tampoko. Pero ku uso konsiente di nan, bo por spar desena di dòler.

Tep den kas Frishidèr i frizer

- Sòru pa bo frishidèr i frizer ta bon será. Kontrolá regularmente e rùber rònt di e porta di frishidèr i frizer.
- No pone bo frishidèr i frizer na un lugá kayente òf den besindario di un fuente di kalor.
- Den e frishidèr mantené un temperatura konstante di 4 te 6 grado.
- Difròs bo frizer regularmente.

